

當爲善，又恐上品君臣中復各有貴賤，譬如列國諸侯，並難稱制，而猶歸宗周。臣佐之中亦當如此，所以門冬遠志別有君臣，甘草國老大黃將軍明其優劣，不皆同秩，自非農岐之徒敢證正正，應領略輕重爲其分處也。

〔神農本草經序錄〕上藥一百二十種爲君，主養命以應天，無毒，多服久服不傷人，欲輕身益氣不老延年者，本上經。中藥一百二十種爲臣，主養性以應人，無毒有毒，斟酌其宜，欲遏病補虛羸者，本中經。下藥一百二十五種爲佐使，主治病以應地，多毒，不可久服，欲除寒熱邪氣，破積聚，愈疾者，本下經。藥有君臣佐使，以相宣攝合和，宜用一君二臣五佐，又可一君三臣九佐。藥有陰陽配合，子母兄弟，根莖華實，草石骨肉，有單行者，有相須者，有相使者，有相畏者，有相惡者，有相反者，有相殺者，凡此七情，合和視之，當用，相須相使者，良，勿用相惡相反者，若有毒宜制，可用相畏相殺者，不爾勿合用也。藥有酸鹹甘苦辛五味，又有寒熱溫涼四氣，及有毒無毒，陰乾暴乾，採治時月，生熟土地所出，眞僞陳新，並各有法。藥有宜丸者，宜散者，宜水煎者，宜酒漬者，宜膏煎者，亦有一物兼宜者，亦有不可入湯酒者，並隨藥性不得違越。○中 治寒以熱藥，治熱以寒藥，飲食不消，以吐下藥，鬼注蟲毒，以毒藥癰腫瘡瘤，以瘡藥，風溼以風溼藥，各隨其所宜。

〔萬安方五十五論君臣藥○中略

藥性論乃以衆藥之和厚者定爲君，其次爲臣爲佐，有毒者多爲使，此謬論也。今則設若欲攻堅積，則巴豆輩豈得不爲君也。

〔道三切紙〕四證四治劑味多寡○中略

一藥味多寡之分別

明察藥性之緩急，而後辨病證變異，則用藥材或多或少，多味則自八九種至十味，漸及十餘種，寡味則自二三味至六七種。制方之法，當流不做東垣二十餘味之類，言未明藥性微旨，而用藥多